

KU TLANGELA VUKWETSIMI



BUKU YA XIKHONGELO NI KU TITSONA
SWAKUDYA

CHURCH OF THE NAZARENE - AFRICA REGION

www.africanazarene.org

“Yoxua a byela tiko, a ku:
Tibasiseni, hikuva mundzuku Yehova o ta endla mahlori
e xikarhi ka n’wina.”
Yoxua 3:5

Ku Languta e Mahlweni

Lembe ra 2012 ri hlawuriwile ku va lembe ra ku Tlangela Vukwetsimi! Ku sungula ka ku tlakusa ka hina wu ta va nkarhi wa xikhongelo ni ku titsona swakudya, loku ku nga ta sungula hi wa Vunharhu wa Siku ra Nkuma, 22 ka Nyenyenyani (fevereiro) kutani ri ya hlangana ni ntirho wa ku tlangela Siku ra Sonto yaku Pfuka ka Hosi, 8 ka n’wheti ya Dzivamisoko (Abril 2012). Nkarhi lowu la’vo tala va wu tivaka hi ku I masiku ya 40 la’ma sungulaka hi siku ra Wavunharhu wa siku ra nkuma ku fika Sonto ra Paska, sweswo e nkarhi lowu wu ta tiviwa hi nkarhi wa ku tinyiketa ka mani na mani loko hi ri karhi hi tilulamisela hina hi xiviri e ku kuma “mpfula ya makateko”.

“Yehova, ndzi ti tivile timhaka ta wena, ndzi vuya ndzi chava! Oho
Yehova, ntirho wa wena u wu fikisa e xikarhi ka malembe; u wu
kombisa e xikarhi ka malembe! E ku kariheni u tsundzuka ku tsetselela”
(Habakuk 3:2).

Nkarhi wa xikhongelo ni ku titsona swakudya I nkarhi wa ku kombela Tata wa hina leswaku a chela hambu ku pfula ndlala ni ku hiseka ka ku va hi kuma vukwetsimi hi tindlela le’ti nga vuriwiki e xikarhi ka hina ne kerekeni hikwayo ya Nazareno e Tikonkulu Africa; I nga nkarhi wa ku kombela Xikwembu leswaku xi tshivela ndzilo wa mpfuxelelo xi va xi rhumela mpfula ya makateko yi cheriwa ka vanhu va Xona. Lowu hi wona nkarhi wa ku khongelela mpfuxelelo ya vukwetsimi, ni ku pfumelela Moya Lo’wo Kwetsima wu hi basisa leswaku wu hi lulamisela leswaku hi va switirho swa Xona hi twarisa mahungu hi nkarhi lo’wunene wa ntshovelo lo’wukulukumba swinene. E nkarhi lowu wu ta va wa ku tilulamisela e ku Tlangela Vukwetsimi hi vukulu bya rona ku sukela hi Sonto yak u Pfuka ka Yesu hi 8 ka Dzivamisoko 2012 ku fika ka Pentekosta hi Sonto ya 27 ka Mudyaxihi (Maio) 2012.

Xitiviso lexi xi heleriwile e ku pfuna kereke yin'wana ni yin'wana ya muti loko va ri karhi va hlengela e nkarhini lowu wa ku tinyiketa.

- Xikhongelo xa Mpfuxelelo ya Vukwetsimi
 - Ku Tlakuka ka Ntlawa wa Xikhongelo
 - Nkarhi (calendário) wa Xikhongelo
 - Xikhongelo xa Mfambo
 - Nkarhi Lowu Misava yi Hundzukaka
 - Xikombiso xa Xihlungwa xa Xikhongelo
 - Ntwanano wa Xikhongelo ni Xikombiso xa ku Dzunisa
- Ku Titsona Hikwalaho ka Mpfuxelelo ya Vukwetsimi
 - Nkarhi (calendário) wa masiku ya 47 ya nkarhi lo'wu wuriwaka wa nkuma lo'wu sungulaka hi Wavunharhu ku fika ka Sonto na ku lulamisiwile ku lulamisela lo'ku pimiweke ni mitirho ya kona e kerekeni ya n'wina ya muti ni swirho swa nhlengeletano leswaku mi kumeka e nkarhini lowu wa ku tlangela Xikhongelo xa Vukwetsimi ni ku Titsona Swakudya.
 - Vuxokoxoko (detalhes) bya nhlamuselo ni ku lulamisela lo'ku nga ta koteka e ntirhweni wun'wana ni wun'wana lo'wu pimiweke.

Xikhongelo xa Mpfuxelelo ya Vukwetsimi

I xini Xikhongelo xana?

Xikhongelo I ku hlangana ni Xikwembu. Xona xi hlanganisa ni ku vulavula ni Xikwembu hambi ni ku yingisela nhlamulo ya Xona. Xikhongelo I ku rhamba ka ku kombela ku hlangana ni ka ku tshembeka e ka Tata wa hina wa le Tilweni. Xona xi seketeriwa hi ku pfumela ka ntiyiro ya hina leswaku Xona xi hi rhandzile swonghasi xi ko xi rhuma N'wana wa Xona leswaku a ta fa e xihambanweni hikwalaho ka swidyoho swa hina. Xikhongelo I nhlamulo ya hina e ka rirhandzu le'ronghasi hi ku tshinela kusuhi na Xona hi xwa hikuva hi tshama na Xona (Yohane 15:9).

Hi nga khongela hi mukhuva wihi xana?

- Pimisa hi nkarhi ni ndzhawu ya ku khongela ka yona (Daniel 6:10)

- Tana hi Mbilu le'yi tshembekeke (VaHeberu 10:22)
- Khongela hi ku pfumela (Mateo 21:22; Yakob 1:6)
- Khongela e Vitweni ra Yesu (Yohane 14:13-14)

Swilo Swin'wana swa Xikhongelo:

- Ku dzunisa ni ku Nkhensa (Tipsalma 95:1-6; 1 Tikronika 29:11-13)
- Ntirho wa Tintswalo (Tipsalma 107:1; VaKolosa 1:3)
- Ku Hundzuka (Mateo 6:12-13; 1 Yohane 1:9)
- Xikhongelo xa ku kombela Xikwembu leswaku xi hlanguana ni timpfumalo ta hina (Mateo 6:9-13; Yakob 1:5)
- Ku khongelela van'wana (VaKolosa 1:3-12; Yakob 5:13-16)

Ku Khongelela Mpfuxelelo ya Munhu hi Xiviri

Swikongelo swa Hosi David swi hi dyondzisa ngopfu swinene hi ku khongelela Mpfuxelelo ya Munhu hi Xiviri:

- O kombelile leswaku Xikwembu xi kamba mbilu ya yena xi va xi n'wi kombisa ni swidyoho leswi swi fihliweke (Tipsalma 139:23-24)
- Yena o vurile swidyoho swa yena na a kombelile ku rivaleriwa (Tipsalma 51:3-5)
- O kombelile leswaku Xikwembu xi basisa swidyoho swa yena (Tipsalma 51:7)
- Yena o kombelile Xikwembu xi vumba ni ku pfula e Moya Lo'wo tiya e ndzeni ka yena ni leswaku xi nga n'wi suseli e Moya wa Xona Lo'wo Kwetsima (Tipsalma 51:10-11)
- Yena o kombelile leswaku Xikwembu xi n'wi nchunsa e nandzwini wa ripfalo (Tipsalma 51:14)
- Yena o pfumela leswaku Xikwembu xi hlamula mbilu le'yi tshovekeke (Tipsalma 51:17)
- Yena o tsaka hi ku tshemba, hi tinhlamulo ta Xikwembu e ka swikombelo swa yena (Tipsalma 51:18-19)

Ku Khongelela ku Chuluriwa ka Mpfuxelelo ya Vukwetsimi

Loko hi khongelela ku Chuluriwa ka Mpfuxelelo ya Vukwetsimi xi Xiviri, hi fanele ku hlalisa le'swi landzelaka e meehleketweni ya hina:

- Xikwembu xi tsumbula tikereke le'ti kufumelaka le'ti kanetiweke (Hlavutelo 3:16)
- Xikwembu xi lava ku pfuxa tikereke ta hina (Hlavutelo 2:4-6)
- Xikwembu xi lava ku hi nyika Moya wa Xona Lo'wo Kwetsima ku tlurisa (Luka 11:13)
- Hangalasa u va u mbundzuxa swifaniso ni mademona hikwawo lawa ma ku sivelaka (Mateo 4:8-10; VaKolosa 3:8-10)

Leswi hi nga ta Khongela Swona

- A hi khondeleni leswaku Xikwembu xi pfuxa timbilu le'ti tlhaviweke (Esaya 57:15; Yakob 4:6)
- Ku khongelela ku twisisa lo'ku enteke ni ku navela Vukwetsimi bya Xona (Esaya 6:1-5)
- Khongelani leswaku Xikwembu xi kombisa swidyoho le'swi fihliweke (Tipsalma 19:12-14)
- Khongelani ku va mi twa ndlala ya Rito ni ku pfumela ku yingisela (Tipsalma 119:97,103; 1 Yohane 2:3-6)
- Khongelani Varisi la'va nga ta huwelela hi matimba la'ma khorwisaka (1 VaKorinto 2:1-4)
- Khongelani leswaku la'va pfumelaka va va ni rirhandzu le'ri enteke e ka Yesu Kriste (Mateo 22:37-38)
- Khongelani ku chuluriwa ka Moya Lo'wo Kwetsima (Luka 11:13; Timhaka ta Vaapostola 1:8)

Switsembiso swa Xikwembu

- Xikwembu xi ta horisa (ongola) tiko ra hina (2 Tikronika 7:13-14)
- Xikwembu xi ta hi hlalula loko hi xi kombela hi ku landzela ku rhandza ka Xona (1 Yohane 5:14)
- Xikwembu xi ta chulula Moya wa Xona loko hi wu kombela (Yoel 2:28)

- Xikwembu xi ta hi nyika ku hlula (VaRoma 8:37-39)

Le'swi Tlakusiwaka hi Xikhongelo xa Ntlawa ni Nkarhi wa Xikhongelo (calendário)

Nhlengeletano hikwawo wu ta tinyiketa e xikhongelweni ni ku titsona swakudya wu khongelela mpfuxelelo ya Vukwetsimi hi nkarhi lo'wo leha. Hi ku engetela e henhla ka leswi, vhiki ni vhiki hi ta khongela hi ntlawa lo'wo karhi e kerekeni. E ndzeni ka vhiki, ntlawa wolowo lo'wo karhi wu ta humelela kun'we leswaku wu ta khongelela, wu va ni tidyondzo ni ku dyondzela swa ku tiva xikhongelo ni ku titsona swakudya ni ku seketelana un'wana e ka un'wana.

- Vhiki ro Sungula: Vamamana
- Vhiki ra Vumbirhi: Va Tatana; Vhiki ra Vunharhu: La'vantswha la'vakulu
- Vhiki ra Vumune: Vantswha hi nfanelo
- Vhiki ra Vuntlhanu: Vana
- Vhiki ra Tsevu (6): Xikhongelo xa ku hlangana kun'we

Vhiki rin'wana ni rin'wana ra **Nkarhi wa Xikhongelo** wu kombisiwa hi xikhongelo le'xi langutaka e nsin'wini yin'wana ni yin'wana e ka xifundzhakulu ni mhaka le'yi sindzisaka leyi hi yi langutaka e tikweni lero namuntlha. Tirhisa Nkarhi wa xikhongelo (calendário) e ku lulamisela xikhongelo ni ku titsona swakudya hi timhaka le'ti humelelaka. Hlayisani e meehleketweni ya n'wina leswaku mhaka le'yikulu leyi hi yi khongelelaka e nkarhini wolowu l mpfuxelelo ya vukwetsimi le'yi fanelaka ku swiyela hinkwalo Tikonkulu Africa.

Xikhongelo Le'xi Fambaka¹

I xini Xikhongelo le'xi fambaka xana?

“Xikhongelo le'xi fambaka I xikhongelo ntsena e tindzhawini teto laha wena u langutelaka kona e nhlamulo ya Xikwembu e ka swikhongelo swa hina.” (“Yesu a a ta va khongelele yini” hi Way Makers)

I xikhongelo xa ku khongelela e ndzhawini yoleyo hakunene, leyi wena u lavaka leswaku Xikwembu xi tirha ka yona. Mhaka ya xikhongelo le'xi fambaka yi tisa munhu l'a khongelaka leswaku a va ni ku vonana lo'ku kongomanaka ni vanhu hi vunyingi bya vona I nga vona lava u hisekelaka ku va khongelela.

Xi tirhisa ku yini xana?

Xikhongelo le'xi fambaka, u nga famba u ri wexe hambu u famba ni mintlawa, e ndzhawini le'yi yimisiweke hambu e mitshungwini, ku khongeleriwa timpfumalo ta vanhu la'va hanyaka e tindhawini teto. Xona xi hi pfuna leswaku hi swi kota ku khongela kun'we e kusuhi na vona I nga vona la'va pfumelaka mikhongelo ya hina.

Xikhongelo le'xi fambaka hi maendlela ya switirho swa tinguva leti (on-site):

- Xikhongelo le'xi fambaka na xi endleriwa vanhu van'wana.
- Xikhongelo le'xi fambaka i ku tshinelela vanhu u va kusuhi na vona I nga lava u va khongelelaka leswaku u ta kota ku twisisa hi ku vonakala ni ku antswa e timpfumalo ta vona ni leswaku u tiva tani hi laha u nga ta va khongelela ha kona. Xona xi endla leswaku mbilu ya wena yi kota ku tiva timpfumalo ta van'wana kutani xi ngenisa mbilu ya wena e ntileni wa ndzilo ni mimoya hikwayo le'yi khutalaka na yi ri ku pfumaleni lo'ku nga kona ni lo'ku nga ta humelela.
- Xikhongelo le'xi fambaka xi pfuna ku nyika wena e ku pimisa hi swilo le'swi humelelaka. Mpfumawulo, ku vona ni ku nun'whela ku pfuna ku nyika wena e ntirho leswaku moya wa wena wu tirha e xikhongelweni.

¹ Leswo tala swa swilo le'swi pfunaka e henhla ka xikhongelo le'xi fambaka I nga ku lulamisa ka Bob Tremaine, Murhangeli (Director) wa Mintirho, Parker-Palo Pinto Association

Xikhongelo le'xi fambaka I ku khongela u ri ni xivono:


- I nhlamulo le'yi voniwaka. Leswi u swi khongelelaka swi le mahlweni ka wena.
- Swi kambisisiwile hi ku voniwa. Sweswo-ke I ku khongela u ri ni ku tiva marungula ya tindzhawu toleto hambu vanhu va kona lava wena u va khongelelaka.
- Swi hlavuteriwile hi ku vona. Hi pfumala ku khongela hi kombela Xikwembu leswaku xi hi hlavutela leswi hi fanelaka ku languta swona loko hi ri karhi hi khongela. Hi pfumala ku pfumelela Moya Lo'wo Kwetsima leswaku wu hi kombisa loko hi ri karhi hi khongela.

Ku Endliwa ka Xikhongelo le'xi Fambaka:

1. Khongela ni nakulori hambu ni ntlawa
2. Khongelani mi ri ni xikongomelo – xa ku navel aka Xikwembu
3. Khongelani mi ri ni Rito ra Xikwembu – khongelelani switshembiso swa Xikwembu ku tlula timhaka tin'wana
4. Khongelani mi ri ni Moya wa Xikwembu
5. Yingisani mi langutela Xikwembu

Nkarhi Lo'wu hundzuluxaka Misava

Xirhendzevutana (roda) le'xi nge hansi xi endliwile leswaku xi pfuna n'wina ku va mi tshama mi langutile loko mi ri karhi mi khongela. Xona xi avanyisa nkarhi wun'we (1 hora) hi ntlhanu wa matlhelo ya timeneti ta ntlhanu hi ku hambana ka tinxaka ta swikongelo. E ndzhaku ka ntlhanu wa timeneti, hundzuluxa u tirhisa ndlela yin'wana ya xikhongelo. Ndlela leyi yi ta swi kota ku mi pfuna leswaku mi khutala ngopfu e xikhongelweni xa Mpfuxelelo ya Vukwetsimi e tikweni hinkwalo ra tikonkulu Africa.



² Xirhendzevutana le'xi tsariweke hi Dick Eastman, mutumbuluxi wa Hundzuluxo wa Xikolo xa Tiko ra Xikhongelo

1. Ku dzunisa ni ku Hlantswiwa

2. Ku Rhindzela e Hosini

3. Ku tivula milandzu ni swidyoho
4. Mtsalwa ya xikhongelo
5. Ku langutela
6. Ku khongelela
7. Swikombelo
8. Ntirho wa tintswalo
9. Risimu
10. Ku languta swikombelo
11. Ku yingisa
12. Ku dzunisa

NKARHI WA XIKHONGELO: Nkarhi wun'wana ni wun'wana wu ringana ntlhanu wa timenete nkarhi hikwawo i 60 wa timenete.

13. Xikombiso xa Nhlohlori (xihlungwa) ya Xikhongelo

Xihlungwa xa xikhongelo l nhlngano wa matimba ya xikhongelo laha wena u rhambaka tikereke ta rikwavo, hambani ni tinxaka tin'wana ta tikereke, va rhangeli va minhleletano, ni van'wana leswaku mi hlangana kun'we mi khongela mpfungula wa timhaka ta nhlengeletano, kambe ngopfu-ngopfu e ku chuluriwa ka Moya Lo'wo Kwetsima.

Ku lulamisela Lo'ku Pimisiweke

- A. Ku Hoyozela
1. Tipsalma 42:1-2; 84:1-2; 10-11; 133:1-3
2. Xikombiso
3. Xikhongelo xa ku ti lulamisela: mintlawana ya vanhu vanharhu. Ku pambulelana hi timpfumalo hi nkarhi wa xinkarhinyana (1 minuto) un'wana na un'wana, mi va mi khongelelana un'wana e ka un'wana leswaku mi basisa timbilu ta n'wina e ka mindzwhalo ya n'wina, mi va mi lulamela ku languta e ka van'wana e ka van'wana kun'we ni nhlengeletano wa n'wina

4. Dzunisani: Tipsalma 132

5. Tinsimu ta ku Gandzela

B. Ku tinyika ka Munhu hi Xiviri ni ku Hundzuka

Matsalwa: Yoel 2: 12-14

1. Kombela vanhu vangani leswaku va khongelela ku rhangeliwa, ni ku hlayisiwa, ni ku vona ku tikombisa ka vukona bya xikwembu

2. Tinsimu ta ku Gandzela

3. Hlaya ya Yakob 4:8-10. Heta nkarhi na u tikhongelela wena wexe, u khongelela moya wa wena hi xiviri, matshamela ya wena

C. Xikhongelo xa timpfumalo le'to karhi e xikarhi ka nhlengeletano

Matsalwa: 2 Tikronika 7:14

1. Rhamba mpfungula (chave) wa varhangeli leswaku va ta mahlweni leswaku va ta khongelela mpfungula wa mahungu la'ma humaka hi le nhlengeletan'weni ya wena

2. Hlaya ka Yoel 2:28. Khongelela ku chuluriwa ka Moya Lo'wo Kwetsima e nhlengeletanweni wa wena

D. Xirhendzewutana xa Xikhongelo le'xi tsanana

1. Hlengeleta vavanuna kun'we, ni vavasati kun'we hi tlhelo rin'wana

2. Pambulelanani hi timpfumalo ta n'wina. Varisi na vona va xaniseka hi ku soriwa, ku pfumaleka ka ku tinyiketa ka swirho, mpikisano, ni nchavo wa ku tsandzeka. U nga xuxi swivutiso (ku swi hlamula)

3. Fambani mi rhendzelekela xirhendzewutana mi ri karhi mi khongela mi khongelela un'wana l'a nge tlhelweni ra wena ra xinene/ximatsi ku ko ku va laha un'wana ni un'wana a kumeke nkarhi wa ku khongela ni un'wana a va khongelelile

E. Ntshava Le'yi Fambisaka Xikhongelo

Matsalwa: Yeremia 33:1-11

1. Khongelelani swirho swa mindyangu: vaveleki, vakokwana, khongelelani vana la'va lahlekeke

2. Khongelani michado leswaku yi kutsuriwa, yi pfuxiwa; ku tivula ni ku hundzuka; ku lulamisiwa ni tinkanu ta hina

3. Khongelelani tikereke leswaku tihundzuka tiva tiyindlu ta xikhongelo xa matiko hikwawo, swilo swa tikometi, varhangeli

F. Ku pfuxiwa ka Mpfxuelelo

Matsalwa: Timhaka ta Vaapostola 3:19; Ezekiel 37; Tipsalma 85:6

1. Matsalwa ya xikhongelo xa mpfxuelelo, ku pfuxiwa, ni ku cheliwa ka Moya lo'wu tengeke wu nga Moya Lo'wo Kwetsima.

2. Rhamba ndzalo le'yi landzelaka ya varhangeli la'vantswha la'va nga hansi ka 40 wa malembe leswaku va pfuxiwa

G. Xikhongelo xa ku Dzunisa ni Ntirho wa Tintswalo

Matsalwa: 1 Tikronika 29:11-13, Tips. 95:1-6, Tips.100

1. Hlengeletano hi vanhu vanharhu. Nkhensa Xikwembu hi leswi xi swi endleke e xikarhi ka masiku/minkarhi leyi. Khongela xikhongelo le'xi andlariweke xi ya kule, le'xi humaka e ka switshembiso swa tintswalo ta Bible hikwalaho ka ku pfumela ni ku tshemba

Nhlangano wa Xikhongelo ni ku Dzunisa

Nhlangano wa Xikhongelo ni ku Dzunisa i nkarhi lowu nhlengeletano wu hlanganaka kun'we e ku hlaya Matsalwa, wu yimbelela tinsimu wu vula vumboni hikwalaho ka swikhongelo le'swi hlamuriweke, va tiyisana un'wana e ka un'wana.

Le'swi nga ta nedliwa swi fanele ku lulamisiwa e mahlweni.

Matsalwa, tinsimu ni mitirho yin'wana yi fanele ku nyikiwa vanhu la'vo karhi leswaku ku va kona tinxaka-xaka ta vanhu la'va rhangelaka ntirho.

Le'swi landzelaka i xikombiso xa Nhlangano wa Xikhongelo ni ku Dzunisa. Hambiswi ri tano, ku lulamisela kun'wana ku nga endliwa lo'ku nga ta ringana ni mhaka ya n'wina.

Nhlangano wa Xikhongelo ni Xikombiso xa ku Dzunisa

➤ ***Avela xikombiso lexi e ka varhangeli la'va hlawuriweke na va ri la'na nghanaka e mahlweni va lulamisela swa ku rhangela nhlengeletano.***

➤ ***Hlawula varhangeli/vahlayi tani hi laha swi kotekaka ha kona.***

➤ ***Pfuna swinene u landzela matsalwa ya xikhongelo le'xi nge hansi.***

➤ ***Pfunani swinene mi hlaya Matsalwa la'ma kumekaka ka Bibebe (NIV).***

Murisi hambi Murhangeli wa Vugandzeri: O ta hoyozela la'va taka e ndlwini ya Xikwembu xa matiko hikwawo. "Xana a ku tsariwanga leswaku: Yindlu ya mina yi ta wuriwa yindlu ya xikhongelo xa matiko hikwawo" (Marka 11:17). Pfunani swinene mi yima mi tiyile loko hi ri karhi hi hlangana hi marito ya hina e ku dzuniseni. A hi gandzeleni.

Murhangeli wa Vugandzeni: Tinsimu ta ku Gandzela ni ku Dzunisa – 15 wa timeneti:

Tinsimu tin'wana le'ti lulamisiweke: "Ndzi Laha, Ndzi tile ku ta Gandzela";

"Tana, Wena Hosi Le'yikulukumba"

Swikongelo swa ku Gandzela ni ku Dzunisa

Murhangeli wa A: Hlaya Tipsalma 96

Yimbelelani kun'we: Aleluya Vuhosi bya wena

Khongelani hinkwenu xikan'we: Khongelani swikongelo swa ku Dzunisa, ku Danzdela, ni ku Nkhensa

Swikongelo swa ku Tianakanya ni ku tivula (ku tisola)

Murhangeli B: RHlaya 2 Tikronika 7:1

Yimbelelani Hinkwenu: Vani ni Ndlela ya Wena hi Xiviri Hosi, hambi Ndzi Ti Nyiketa

Pfunani mi nkhelelana kwalaha switshan'wini swa n'wina hi nkarhinyana mi tianakanya na mi miyerile, na mi endla xikhongelo xa ku tisola ni ku hundzuka

Xikhongelo xa Mpfuxelelo ya Vukwetsimi

Murhangeli C: Hlaya Habakuk 3:2

Yimbelelani hikwenu: Swiyela Ndleleni Leyi

Lulamisa mintlawana ya vanhu vanharhu ku fika ka ntlhanu wa vanhu, kutani khongelani Mpfuxelelo ya Vukwetsimi e ka Tikonkulu africa

Xikhongelo xa Vukhongeleri

Murhangeli D: Hlaya Zakaria 4:6

Yimbelelani hinkwenu: Ndzi famba hi ntila wa ku ya e henhla

Khongelani hi mintlawa ya vanhu vanharhu hambani ntlanu. Khongelelani varhangeli va tikereke.

Khongelelani la'va nga hanyisiwangiki

Murhangeli E: Hlaya Tipsalma 2:7-8

Yimbelelani hinkwenu: Rhumela Rivoningo

Huwelelani kun'we mi twela vusiwana la'va nga tiviki Yesu Kriste kukotisa Muponisi wa vona hi xiviri.

Swikhongelo swa Mindyangu

Murhangeli F: Hlaya Genesa 18:19; Deuteronoma 6:6

Yimbelelani hinkwenu: Yikuva Yena wa Hanya

Nghenani e mintlaweni ya vanhu vambirhi mikhongelelana un'wana e dyangu wa un'wana. Mi khongelela na swona e mindyangu hikwayo hin'wana

Xikhongelo xa Vuongori

Murhangeli G: Hlaya Eksoda 15:26b

Yimbelelani hinkwenu: Hi mina Yehova L'a ku Hanyisaka

Ndzi rhamba la'va khomiweke hi mavabyi leswaku va rhanga e mahlweni va ta khongeleriwa, ni van'wana leswaku hi hlanguana e xikhongelweni hi va khongelela

Swikhongelo swa ku Nkhensa

Murhangeli H: Hlaya Tipsalma 100

Yimbelelani hinkwenu: Ku Dzuniwa a ku ve ka Xikwembu

Khongelani hinkwenu swikhongelo swa ku Nkhensa ni ku gandzela

Xikhongelo xa ku khongelela Masimu (Campo) ni Tikongkulu Africa

Murhangeli A:

Sweswi hi ta khongelela yin'wana ni yin'wana ya masimu ya nkombo (7) ya tikongkulu ra hina. Hi ta sungula hi Africa wa le tshinyeni ne Vuxeni-Masimu ya kona. Murhangeli i Muf. Paul Mtambo wa le Tshinyeni kasi e vuxeni i Muf. Don Gardner..

Ndzi rhamba hina hikwerhu leswaku hi sekeleka hi yima kun'we. Sweswi a hi hlayeni ka Tipsalma 96:2-3 kun'we (ku lulamisela swikombiso hi ku vona hi matihlo): “Yimbelelani ka Hosi, dzunisani vito ra yona, huwelelani ku hanyisa ka yona hi siku rin'wana ni rin'wana. Huwelelani vuhosi bya yona e xikarhi ka matiko hikwawo, swihlamariso swa swendlo swa yona e xikarhi ka vanhu” (Tipsalma 96:2-3, NIV).

Ndzi tiyisa timbilu ta vanhu hi tlhelo ra **xinene** ra mina leswaku va endla swirhendzevutana le'switsongo leswaku va khongela kun'we va khongelela Nsimu ya le Tshinyeni na Muf. Ntambo, varhangeli va swifundzha kun'we ni varisi. Vanhu la'va nga le tlhelweni ra mina ra **ximatsi** a va pfune va endla swirhendzevutana e ku khongelela Nsimu ya le Vuxeni na Muf. Gardner, ni varhangeli va swifundzha ni varisi.

Khongelelani swin'wana swa swikongomelo leswi e ka nsimu yin'wana ni yin'wana leswaku ku va kona e nsin'wini: ku tikombisa ka vukona bya Xikwembu, ntirho wa evangeli, ku endliwa ka vadyondzisiwa, vukwetsimi, ku kulak a tikereke, swifundzha ni varhangeli, ntirho wa vuhlomisi bya ku hangalasiwa hambi ku andzisiwa ka ntirho, vuphameri bya ku tinyiketa, ni ku pfluxiwa lo'kukulukumba e Moyeni. ray some of these themes for each field: manifest presence of God, evangelism, disciple-making, holiness, church development, districts and leaders, strategic mission expansion, sacrificial stewardship, and authentic renewal in the Spirit.

Sweswi, ndzi rhamba mintlawana le'yitsongo leswaku hi khongela hi nkarhi wa timeneti timbirhi. Loko ku sunguriwa ku yimbelela, ndzi pfuneni swinene mi pfala swikhongelo swa n'wina

Yimbelelani risimu le'ri nge: Lawa I Masiku ya Elisha

Murhangeli B: Hi kongoma hi ya mahlweni ni xikhongelo, kutani ku langutiwa Rimhondzo ra Africa ni Masimu ya Lusofono. Muhlomisi wa hina wa Rimhondzo ra Africa hi Muf. Ermias Choliye. Kasi Muhlomisi wa Masimu ya Lusofono I Muf. Dr. Paulo Sueia.

Ndzi rhamba hina hikwerhu hi sekeleka hi yima kun'we. Sweswi a hi hlayeni Tipsalma 22:27-28 a hi vuleni kun'we (le'swi kombisiweke ka xivona hi matihlo): “Matlhelo hikwawo ya misava ma ta tsundzuka Yehova, me hundzukela ka Yena. Ni tinxaka hikwato ta matiko ti ta

nkhinsama e mahlweni ka yena, hikuva ku fuma I ka Yehova; kambe hi yena I'a fumaka matiko" (Tipsalma 22:27-28, NIV).

Ndzi tiyisa vanhu la'va yimeke tlhelweni ra mina ra xinenen leswaku va endla xirhendzevutana le'xitsongo va ri kari va khongelela Rimhondzo ra Africa na Muf. Choliye, ni varhangeli va Swifundzha ni varisi. Vanhu la'va yimeke e vokweni ra ximatsi ra mina, pfunani mi endla xirhendzevutana, mi ri karhi mi khongelela Nsimu ya Lusofono kun'we ni Muf. Sueia, varhangeli va swifundzha ni varisi.

Khongelelani timhaka tin'wana ta leti e nsin'wini yin'wana ni yin'wana: vukona bya ku tivonakarisa ka Xikwembu, ku fambisa evangeli, ku endliwa ka vadyondzisiwa, vukwetsimi, ku kulak a tikereke ni ku andzisiwa ka tona, swifundzha ni varhangeli va swona, ntirho wa vuhlomisi wu anamisiwa, ku tinyiketa ka vuphameri swin'we ni ku pfuxiwa vuntswaha e Moyeni.

Sweswi, ndzi rhamba mintlawana le'yitsongo leswaku yi khongela hi minkarhinyana ya timeneti timbirhi. Loko ku sunguriwa ku yimbelela, pfunani swinene mi pfala swikhongelo swa n'wina hi nkarhi lo'wunene.

Yimbelelani: Khale ka Masiku

Murhangeli C: Hi kongoma e xikhongelweni, hi languta e Xikarhi ni Vupeladyambo bya Africa e Masin'wini ya kona. Muhlomisi wa hina e Xikarhi ka Africa I Muf. Chandhi Chanda. Kasi muhlomisi wa hina e vupeladyambo I Muf. Mark Louw.

Ndzi rhamba hina hikwerhu leswaku hi seketeleka hi yima. A hi hlayeni hi mahlo (screens): "Kutani Evangeli leyi yak u fuma yi ta vuriwa misaveni hikwayo; hi kona ku nga ta humelela makumu" (Mateo 14:14 NIV).

Ndzi tiyisa vanhu la'va yimeke e vokweni ra mina ra **xinene** leswaku va endla xirhendzevutana va ri karhi va khongelela Africa ya le Xikarhi na Muf. Chanda, varhangeli va swifundzha ni varisi. Kasi vanhu la'va nge vokweni ra mina ra **ximatsi**, ndzi pfuneni mi endla xirhendzevutana leswaku mi khongelela Africa wa Vupeladyambo na Muf. Louw, varhangeli va Swifundzha ni varisi.

Khongelelani swin'wana swa timhaka leti e ka Nsimu yin'wana ni yin'wana: mi khongelela ku tikombisa ka vukona bya Xikwembu, evangeli, ku endliwa ka vadyondzisiwa, vukwetsimi, ku andzisiwa ni ku

kulak a tikereke, swifundzha ni varhangeli, vahlomisi va ku andzisiwa ka ntirho, ku tinyiketa hi ku hetiseka, vuphameri, ni ku pfuxiwa vuntswha le'byi kulukumba e Moyeni. Khongelani hi timeneti timbirhi, mi pfala loko ku yimbeleriwa.

Yimbelelani: Matimba e ka Hosi

Murhangeli D: Hi ta pfala hi xikhongelo e ka Nsimu ya le dzongeni ne ka Hofiso ra Tikonkulu. Muhlomisi wa Nsimu ya le Dzongeni I Muf. Collin Elliott. Murhangeli wa Tikonkulu, Dr. Filimão Chambo, o rhangela kereke e ka tikonkulu hikwalo. Sweswi pfunani mi endla swirhendzevutana le'switsongo kwalaho mi nga kona, mi va mi ti lulamisela ku khongela hi ku twakala ka n'wina hikwenu mi ri kun'we.

Ndzi tiyisa vanhu la'va yimeke tlhelweni ra mina ra **xinene** leswaku va endla swirhendzevutana va khongelela Nsimu ya Africa Dzonga na Muf. Elliott, varhangeli va swifundzha ni varisi. Vanhu la'va yimeke tlhelweni ra mina ra **ximatsi**, pfunani mi endla swirhendzevutana mi khongelela Murhangeli wa Hofisonkulu Dr. Filimão Chambo ni ntlawa wa yena.

Kutani e ndzhaku ka sweswo mi ta khongelela Munghameli wa n'wina wa xifundzha, varisi e xifundzheni xa n'wina ni murisi wa n'wina wa muti.

Khongelani swin'wana swa mhakankulu leyi: I nga ku tikombisa ka vukona bya Xikwembu, evangeli, ku endliwa ka vadyondzisiwa, ka vukwetsimi, ku anamisiwa ka kereke, swifundzha ni varhangeli, vuhlomisi bya ku andzisa ntirho, vuphameri, ni ku pfuxiwa lo'ku kulukumba e Moyeni.

Sweswi, ndzi rhamba mintlawana le'yitsongo leswaku yi khongela hi nkarhinyana wa timeneti timbirhi. Loko ku yimbelela ku sungula, hi pfuneni mi pfala xikhongelo xa n'wina xa nkarhinyana.

E ndzhaku ka risimu mi tava mi nchunsekile ku yak u twananeni (e ku dyeni loko swi koteka) na mi ri ni xivono le'xintswha ni ku hisekela ntirho wa hina leswaku ku endliwa la'va fanaka ni vadyondzisiwa va Kriste e matikweni, ku sungula hi Africa.

Yimbelelani: Wa Fuma

Murhangeli wa Vugandzeri: Keyboard, muyimbe wa vunanga “Oho Gandzelani Hosi”

Ku Titsona Swakudya Hikwalaho ka Mpfuxelelo ya Vukwetsimi

*“Lerisani siku ra ku titsona swakudya mi rhamba
nhlengeletano! Hlengeletani vakhulukumba ni vaaki
hikwavo va tiko, va ta e ndlwini ya Yehova, Xikwembu
xa n’wina, mi huwelela ka Yehova, ni ku: Yo! Siku leri.”*
Yoel 1:14

I Xini ku Titsona Swakudya Xana?

Ku titsona swakudya ni ku dya hi mukhuva wa ku titsona hambu ku tshika ku dya swakudya hikwaswo, hambu u swi pfumala leswaku u dya hambu u swi navela.

Ku titsona I dyondzo le’yinene ya swa moya le’yi sunguleke e nkarhini wa Testamente Le’ya Khale. Mhaka yo rhanga le’yi hlayiweke yak u titsona swakudya yi tsariwile e Bibeleni e ka Eksoda 34:27-28, “yehova a engeta a ku ka Moxe: Tsala marito lawa, hikuva ndzi endlile ntwanano na wena Israel hi marito lawa”. Moxe a tshama na Yehova hi masiku ya mune wa makume ni vusiku bya mune wa makume, a nga dyi vuswa, a nga nwi mati, kutani Yehova a tsala e maribyeni e marito ya ntwanano, ma nge marito ya khume (ya ntwanano) – I nga Milawu ya Khume.”

Yesu o titsonile hi masiku ya mune wa makume ni vusiku bya mune wa makume a ri mananga loko a nga si ringiwa hi Diabolos (Mateo 4:1-11), kutani o kombisile tani hi laha a nga hlulaka ha kona e mindzingo le’yikulu leyi Diabolos a yi vekaka e mahlweni ka tindlela ta hina hi ku tiva leswaku hi pfumela ka Yesu ni ku landzela hi nhloko Rito ra Xikwembu.

Ku ni swin’wana swikombiso swa ku titsona e Bibeleni, tani hi le ka Luka 2:36-37, Timhaka ta Vaapostola 13:1-3, ni Timhaka ta Vaapostola

14:23.

Ku titsona ka Moya ku lava ku veka mitirho hikwayo ya wena e tlhelweni u tlhela u hungula ku dya ka wena swakudya u pfala mitirho ya wena hi ntirho wa xikhongelo kasi ku chivirika ka wena ku pfale hi timhaka ta swa moya. Lowu hi wona nkarhi wa ku va ni Xikwembu u xi tshemba leswaku u kuma ku nyikiwa matimba, u basisiwa e ku ehleketeni ne mbilwini ne ku rhangeliwani, ni nkarhi wa ku languta vun'we bya hina ni Xikwembu.

Tinxaka tinharhu ta ku titsona swakudya ha kanyingi ta tiviwa: ku titsona ko *ringana*, loku u nga dyiki nchumu hi tlhelo ra swakudya hi nkarhi lo'wu yimisiweke, hambi loko ku nga va kona ku nwa mati ni le'swi fanaka na wona, ku titsona ka tlhelo, laha ku landzeriwaka swileleto swa vuongori, hambi loko ku pfumeleriwa swakudya le'swo karhi le'swi ringanisiweke; ni ku titsona lo'ku *hetisekeke*, laha munhu a titsonaka hakunene a tshika hikwaswo swakudya ni swa ku nwa swa tinxaka hikwato.²

Ku titsona ka swilo swin'wana handle ka swakudya ku nga vuriwa ni ku tshika mintlango ni ku hlaya kun'wana lo'ku nga riki ka Bibe, u tihlawulela nkarhi wa xivundza ni ku miyela leswaku u lava mombo wa Xikwembu, u tshika ni ku tshinelela nsati hambi nuna wa wena.

- Ku titsona swakudya u endlela Mpfuxelelo ya Vukwetsimi ku fanele ku heleketiwa hi xikhongelo hi minkarhi hikwayo, ni ku tivula swidyoho, ku dyondza Rito ra Xikwembu (Tipsalma 51:1-13, Tipsalma 119:9-16)
- Ku titsona swakudya ku fanele ku endliwa hi moya wa ku titsongahata (Esaya 58:5)
- Leswi swi fanele ku endliwa hi mbilu le'yi tshembekeke ni nkondzo lo'wu kongomaka e ku dzunisa Xikwembu (Mateo 6:16-18).
- Ku Titsona Swakudya ku fanele ku endliwa hi Mbilu le'yi Tsakeke Swinene ni Le'yi Nkhensaka Ngopfu (Mateo 6:17-18)
- Ku titsona swakudya ku fanele ku heleketiwa hi ku yingisa milawu ya Xikwembu (Esaya 58)

² Elwell, W. A., & Comfort, P. W. (2001). *Tyndale Bible dictionary*.

➤ Ndlelayin'wana ya ku susa kule ku pimisa ka hina hi xiviri ni timpfumalo ta hina ni ku navela l ku languta van'wana hi hlangana ni ku pfumala ka vona e nkarhini wa ku titsona ka hina (Esaya 58:6-7)

Swikombiso Swin'wana Le'swi Rhangelaka Swa ku Titsona Swakudya

➤ Vanhu van'wana va swi kuma na swi vevuka e ku olovisa ku nghena e ku Titsonene ka swakudya. Sungulisa hi ku tlula e nkarhi wun'we wa swakudya, kutani u tlhela u engetela wun'wana wa ku titsona swakudya hi mukhuva wa ku engetela ha ka tsongo-tsongo

➤ Vanhu la'va nga ni vuvabyi le'byi nga ongoriwiki (ma nga horiki) kukotisa Diabete va fanele ku vutisa vaongori (médicos) va vona loko va nga sis ungula ku titsona swakudya

➤ Vanhu la'vantsongo va nga titsona hi ku tshika ku tlanga, hi swifaniswo swa swilo hambu swivanhwana ni swi dosana (doces) hi nkarhi lo'wo karhi

➤ Lulamisa nhlengeletano wa xikhongelo ni dyondzo ya Bibe le hi mintlawa hi nkarhi wa ku titsona ka n'wina leswaku mi kota ku seketelana un'wana e ka un'wana

➤ Lulamisa ku yimanyana ku titsona swakudya hi ku pambulelana e ka xilalelo xa Hosi e ndzhaku ka swona ku va kona ku dyanyana le'swo vevuka

➤ Mi nga dyi ku tlurisa e ndzhaku ka nkarhi lo'wo leha wa ku titsona swakudya hikuva swidyelo swa n'wina swi ta pfumala nkarhi wa ku tlhelela e vutshan'wini bya swona

➤ “E ku amukela makateko la'manene ku tlurisa ya Xikwembu na ma ta hi le ku titsoneni swi lava (pfumala) ku tinyiketa lo'ku tiyeke. U lulamisa nkarhi lo'wu hlawulekeke hi siku rin'wana ni rin'wana u ri ni Xikwembu, hakunene swa tika e ku boha ku hlangana lo'ku tshembekeke kun'we na Tatana. Wena u fanele ku tinyiketa wena hi xiviri e ku va u lava mombo wa Xikwembu, hambu (ngopfu-ngopfu) e ka minkarhi leyi wena u titwaka na u tsanile, u nga pfuni nchumu, hambu u tlhavekile. Hlaya Rito ra Xona u ri karhi u khongela hi nkarhi lowu wena u faneleke ku dya ha wona. Khongela u kombela ka Xona loko wena u pfuka ni vusiku. Yimbelela u dzunisa Xona loko wena u tsakile”. (Dr Bill Bright, Murhangeli wa Wena e Xikhongelweni ne ku Titsoneni ka Swakudya)

Vurhangeli bya Xikhongelo ni ku Titsona swakudya, byi Paluxiwa hi Muf. Samantha Chambo, Murhangeli wa MNI (Ku Fambisa Evangeli), Tikonkulu Africa

Celebrating Holiness Prayer and Fasting Guide
Shangaan

Xikhongelo xa ku Tlangela Vukwetsimi ni ku Titsona ni Mitirho Le'yi Pimisiweke

| Muvulo | Wavumbirhi | Wavunharhu | Vavumune | Wavuntlhanu | Muglivala | Sonto |
|--|------------|---|--------------------|---|--------------------------|---|
| 20 | 21 | Wavunharhu wa siku ra Nkuma 22 Xikhongelo xa ntlawanyana lo'wu tsongo | 23 | 24 | 25 | 26 Xidyo xa Nawu-Mpfumo, xa ku Tlangela Vukwetsimi |
| 27 | 28 | 29 | 1 | 2 | 3 | 4 Nhlangano ya Xikhongelo ni ku Dzunisa |
| Nsimu ya Africa Dzonga Hofisonkulu Africa Ntlawa: Vamamana | | Xikhongelo xa ntlawanyana lo'wu tsongo | Nyenyankulu | Xikhongelo xa nhlengeletano hi vusiku hikwalo | | |
| 5 | 6 | 7 | 8 | 9 | 10 | 11 |
| Nsimu ya Xikarhi ka Africa Ntirho Hikwawo wa Xikarhi Ntlawa: Vatatana | | Xikhongelo xa ntlawanyana lo'wu tsongo | | | Nhlohorini wa xikhongelo | |
| 12 | 13 | 14 | 15 | 16 | 17 | 18 |
| Nsimu ra Africa Lusofono Nsimu ya Africa Central | | Xikhongelo xa ntlawanyana lo'wu | | Xikhongelo xa vusiku hikwalo | Xikhongelo xa Mfambo | |

| | | | | | | |
|---|-----------|---|-----------|--|-----------|---|
| | | tsongo | | | | |
| Ntlawa: Vanswha La'vakulu | | | | | | |
| 19 Nsimu ra Rimhondzo ra Africa Afrika wa Vupeladyambo Africa wa Vupeladyambo Ntlawa: La'vantswha | 20 | 21 Xikhongelo xa ntlawanyana lo'wu tsongo | 22 | 23 | 24 | 25 |
| 26 Africa wa Vuxeni Vuvabye bya HIV/SIDA ni Ndlala Ntlawa: Vana | 27 | 28 Xikhongelo xa ntlawanyana lo'wu tsongo | 29 | 30 Xikhongelo xa Mfambo | 31 | 1 Dzivamiso ko |
| 2 Ku chuluriwa ka Moya Lo'wo Kwetsima E tikweni ra afrinca ni Misaveni Hikwayo Mintlawa: Hinkwayo | 3 | 4 Xikhongelo xa ntlawanyana lo'wu tsongo | 5 | 6 Siku ra ku faka Hosi Xikhongelo xa ku tlhelela xa govela | 7 | 8 Sonto yak u Pfuka ka Hosi Nkhondzo yak u Tlangela! |